



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Henrico Conuerso, qui peccatum confiteri distulerat vsque ad mortem,
cap. 14

urn:nbn:de:hbz:466:1-13177

74 DE CONTRITIONE

vos instituam. Ad hoc iuuenis laetus effectus, respon-
dit: Si hoc facere dignaremni, plurimum mihi place-
ret. Reuersus miles ad vxorem suam, rem ei per ordi-
nem retulit, cōsensit illa, nuptiæ celebrantur, iuueni
sub nomine dotis omnia sua restituuntur. Adhuc, ut
puto, viuit, viuunt & saceri, post quorū mortē, eorum
hæreditas ad ipsum reuertetur. APOLLONIVS: Multum
iuuenis iste regratiari tenetur beatæ Virgini, quia per
ipsam meruit remissionem peccatorū, insuper & con-
solationem temporalium bonorum. CÆSARIVS: Verū
dicas, quia ipsa intercedente Dominus cordi eius in-
fudit contritionem, per quam peccati meruit remis-
sionem; pœna etiam peccati, ipsa intercedente, iuue-
nre audiente, dimissa est. Ecce homo iste grauissimè
cecidit, sed cæteris, de quibus supradictū est, celerius
surrexit; cecidit intempesta nocte, surrexit in mane.
APOLLONIVS: Quid tibi videtur de his, qui in fide cō-
teruntur? CÆSARIVS: Audi de hoc non meam, sed
beati Augustini sententiam, ait enim sic:

CAPUT XIII.

*De pœni-
ten. qua-
fit in fine
vita.*

Si quis positus in ultima necessitate voluerit acci-
pere pœnitentiam, & accipit, & mox reconcilia-
tur, & hinc vadit, fateor vobis, non illi negamus
quod petit, sed non præsumimus quia bene hinc exit,
Si se curus hinc exit, ego non sum securus. Pœnitentiā
dare possum, securitatem dare non possum. Nun-
quid dico, damnabitur? non dico. Sed dico etiam libe-
rabitur? Non. Vis te de dubio liberare? vis quod incer-
tum est, euadere? Age pœnitentiam dum sanus es. Si
sic agis, securus es, quia pœnitentiam egisti eo tempo-
re, quo & peccare potuisti. Si vis agere pœnitentiam
tunc, quando peccare non potes, peccata dimiseruat
te, non tu illa. Item: Duæ res sunt; aut ignoscitur tibi,
aut non ignoscitur. Quid horum tibi futurum sit, ne-
ficio. Ergo tene certum, dimitte incertum.

CAPUT XIV.

DI C A M tibi quid ante paucos annos contigit
in domo nostra: Conuersus quidam H̄ericus
nomine, homo senex, & secundum ingressum
prior

prior omnium Conuersorum, peccatum quoddam commiserat, quod nunquam Abbati, neque Priori, neque alicui confessus fuerat: sapient tamen solitus erat confiteri, & videbatur nobis omnibus, quod vir sanctus esset, & multum religiosus. Cum iam in extremis laboraret, idem peccatum domino Danieli, tunc Priori nostro confessus est, & sicut nobis postea retulit, ut nos cautos redderet, tam graue erat peccatum, quod omnino damnatus fuisset, si tachisset. APOLLON. quid sentis de saluatione huius hominis? CÆSARIVS: Sicut Augustinum lego sensisse; si contritio eius fuerit in charitate, saluatus est; sin autem, damnatus: qui serio penitet, oportet non solum timere iudicem, sed diligere. APOLLONIVS: Meruit ergo vigilando, ieunando, laborando, obediendo, alijsq; operibus iustitiae, quamdiu in illo mortali fuit: CÆSARIVS: Nequam, quia opera extra charitatē facta, mortua sunt, & nunquam reuiuiscunt; vae ergo illis qui quotidie in Dei servitio mortificantur, & nihil inde mercedis in vita æterna consequuntur. Multi ista ignorant, de finali penitentia plurimum præsumentes, nescientes penitentiā, quę in fine agitur, ut supra dictū est, tam incertam esse. Dicam tibi tamen exempla de duobus, ex quibus unus in fine factam, alter veram egit penitentiam.

C A P V T XV.

PARTIIS in ecclesia sanctæ Dei genitricis Mariæ Canonicus nuper obiit, qui multa habens stipendia, delicatissimè vixerat: & quia ex delicijs, maximè his quę ad galā pertinent, libido nascitur, nata nutritur, & quotidianis eius incitamentis augmentatur: idē iuuenis valde tunica carnis suę maculauit, & tam illo, quām alijs suis peccatis, irā Dei in se provocauit. Tandem per infirmitatē tactus, timore mortis cōfessionē fecit, peccata deflexit, & emēdationem promisit, viaticum accepit, inuctus est, hominē depositus. Cuius corpus, utpote vir nobilis dimitisque, cum magna pompa secularis glorię tumulatum est; & erat in illa die tanta serenitas, ut ipse aér eius obsequijs famulari videtur; dixeruntque homines ad inuicem:

Multæ